



სსიპ – მასწავლებელთა პროფესიული განვითარების ეროვნული ცენტრი
„ქართული ენა მომავალი წარმატებისთვის“ პროგრამის ფარგლებში

ელექტრონული ტენდერის საშუალებით სასტუმრო და საკონფერენციო მომსახურების
შესყიდვა

(CPV: 55110000 – სასტუმროში დაბინავებასთან დაკავშირებული მომსახურება;
55120000 – სასტუმროში შეხვედრებთან და კონფერენციებთან დაკავშირებული მომსახურება)

(წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის საფუძველზე

ტექნიკური დავალება

1. შესყიდვის ობიექტი: სასტუმრო და საკონფერენციო მომსახურება.

მომსახურების გაწევის ვადები: 2013 წლის 17-21 სექტემბერი

შენიშვნა: თარიღებმა შესაძლოა განიცადოს ცვლილება, რის თაობაზეც მომწოდებელს ეცნობება დამატებით

აუცილებელი პირობა:

ა) მომსახურება გაწეული უნდა იქნეს მაქსიმუმ 135 პერსონაზე (ტრენინგში მონაწილეები, ტრენერები და პროგრამის თანაშრომლები);

ბ) სატენდერო პირობების შესაბამისად, მომწოდებელმა უნდა უზრუნველყოს ერთდროულად მაქსიმუმ 135 კაცზე საკონფერენციო/სატრენინგო მომსახურება, რომელიც თავის მხრივ მოიცავს ტრენინგის მონაწილეთა სასტუმრო და კვებით მომსახურებას (სამჯერადი კვება);

გ) მომსახურების გაწევის სავარაუდო ადგილი: სასტუმრო უნდა მდებარეობდეს თბილისის ფარგლებს გარეთ, თბილისიდან არაუმეტეს 150 კილომეტრის დაშორებით;

შენიშვნა: „გ“ პუნქტში მოცემული მანძილი გულისხმობს მანძილს სსიპ – მასწავლებელთა პროფესიული განვითარების ეროვნული ცენტრიდან (მისამართი: ქ. თბილისი, გლდანის რაიონი, გმირ კურსანტთა ქ. №1) შემოთავაზებულ სასტუმრომდე.

დ) სასტუმროში განთავსებული უნდა იყოს მინიმუმ 1 (ერთი) დიდი საკონფერენციო დარბაზი 135 ადამიანზე და 5 (ხუთი) სამუშაო ოთახი 25 ადამიანზე. როგორც საკონფერენციო დარბაზი, ისე სამუშაო ოთახები აღჭურვილი უნდა იყოს: პროექტორით, ლეპტოპით/კომპიუტერით, ეკრანით და ინტერნეტით. საჭიროების შემთხვევაში შესაძლებელი უნდა იყოს მიკროფონების გამოყენება;

ე) ტრენინგების მიმდინარეობის დროს მონაწილეები და ტრენერები უზრუნველყოფილნი უნდა იყვნენ მინერალური/სასმელი წყლით, ასევე შემდეგი საკანცელარიო რესურსით: ბლოკნოტი (A4 ფორმატის, მინიმუმ 40-გვერდიანი) – 135 ცალი; საწერი კალამი – 135 ცალი; ფლიპ-ჩარტის დაფა – 5 ცალი; დაფის მარკერი (შავი, ლურჯი, წითელი) – 30 ცალი (თითოეული ფერი 10 ცალი); პერმანენტ მარკერი (შავი, ლურჯი, წითელი) – 60 ცალი (თითოეული ფერი 20 ცალი);

ვ) სასტუმროში მონაწილეთა დაბინავება უნდა განხორციელდეს შემდეგნაირად:

ვ.ა) 124 ადამიანი – მაქსიმუმ 4 (ოთხი) ადგილიან ნომრებში ცალ-ცალკე საწოლებით (გასაშლელი საწოლები არ განიხილება);

ვ.ბ) 11 ადამიანი – ინდივიდუალურ ნომრებში.

ზ) ოთახებში დაცული უნდა იყოს სანიტარული ნორმები;

თ) სასტუმროს თითოეულ ნომერს უნდა ჰქონდეს სველი წერტილები, ცივი და ცხელი წყალი;

ი) მომსახურება უნდა მოიცავდეს სამჯერად კვებას – შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. ამასთან, მენიუ მინიმუმ უნდა შეიცავდეს:

➤ საუზმე:

- ❖ რძის ნაწარმი (2 სახეობის);
- ❖ ცხელი კერძი (2 სახეობის);
- ❖ გარნირი (2 სახეობის);
- ❖ პურ-ფუნთუშეული (2 სახეობის);
- ❖ სასმელი (ჩაი, ყავა).

➤ სადილი:

- ❖ წვნიანი (1 სახეობის);
- ❖ რძის ნაწარმი (2 სახეობის);
- ❖ ცხელი კერძი (2 სახეობის);
- ❖ სალათი (2 სახეობის);
- ❖ დესერტი (1 სახეობის);
- ❖ სასმელი (ჩაი, ყავა, წვენი, გაზიანი არალკოჰოლური სასმელი, მინერალური წყალი).

➤ ვახშამი:

- ❖ ძეხვეული (2 სახეობის);
- ❖ ცომეული (2 სახეობის);
- ❖ რძის ნაწარმი (2 სახეობის);

❖ სასმელი (ჩაი, ყავა).

კ) მიმწოდებელს უნდა გააჩნდეს მომსახურების განხორციელებისათვის აუცილებელი ტექნიკური შესაძლებლობები (პერსონალისა და ინფრასტრუქტურის გათვალისწინებით);

ლ) ზემოაღნიშნული მომსახურებები (სატრენინგო მომსახურება, სასტუმრო მომსახურება, კვებითი მომსახურება) მიმწოდებლის მიერ უნდა განხორციელდეს ერთ სივრცეში;

ლ¹⁾ მომსახურება მოიცავს აგრეთვე ტრენინგის მონაწილეთა ნაწილის (45 კაცი) ტრანსპორტირებას სსიპ მასწავლებელთა პროფესიული განვითარების ეროვნული ცენტრიდან სასტუმრომდე და უკან. სსიპ – მასწავლებელთა პროფესიული განვითარების ეროვნული ცენტრიდან (მისამართი: ქ. თბილისი, გლდანი, გმირ კურსანტთა ქ. №1) ტრანსპორტირება უნდა განხორციელდეს ერთიანად 2013 წლის 17 სექტემბერს 10:00 საათზე, ხოლო სასტუმროდან – 2013 წლის 21 სექტემბერს 15:00 საათზე. ტრანსპორტირება უნდა განხორციელდეს გათბობა-კონდიციონერების გამართული სისტემით აღჭურვილი, უსაფრთხო და კომფორტული 3 (სამი) მიკროავტობუსებით. ამასთან ტრანსპორტირების დროს დაცული უნდა იყოს ყველა უსაფრთხოების ნორმა;

ლ²⁾ შუამავალი კომპანიის მონაწილეობის შემთხვევაში, პრეტენდენტმა უნდა წარმოადგინოს ინფორმაცია/დასტური იმის თაობაზე, რომ მის მიერ შემოთავაზებული სასტუმროს ადმინისტრაცია გაცნობილია სატენდერო დოკუმენტაციის პირობებს და მზად არის გასწიოს სასტუმრო მომსახურება სატენდერო დოკუმენტაციაში მითითებული პირობების მიხედვით;

მ) შემოთავაზებული ფასები უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

2. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

ა) ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიული მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;

ბ) დეტალური ინფორმაცია სასტუმროს შესახებ, სასტუმროს მითითებით (ინფორმაცია პრეტენდენტის მიერ შემოთავაზებული მომსახურე სასტუმროს შესახებ (სასტუმროს ადგილმდებარეობა, ზუსტი მისამართი, ტელეფონის/ფაქსის ნომერი, სასტუმროს აღწერილობა, სასტუმრო ნომრების, საკონფერენციო და სატრენინგო ოთახების რაოდენობა და ა.შ. სატენდერო დოკუმენტაციის შესაბამისად);

გ) გასაწევი მომსახურების ხარჯთაღრიცხვა სატენდერო დოკუმენტაციაში მოცემული ცხრილის მიხედვით (დანართი №2).

დ) მომსახურე სასტუმროს ადმინისტრაციის წერილობითი დასტური, რომ იგი გაცნობილია სატენდერო დოკუმენტაციის პირობებს და მზად არის გასწიოს სასტუმრო მომსახურება სატენდერო დოკუმენტაციაში მითითებული პირობების სრული დაცვით. (ინფორმაცია/დასტური ხელმოწერითა და ბეჭდით დამოწმებული უნდა იყოს როგორც შუამავალი კომპანიის, ისე მომსახურე სასტუმროს უფლებამოსილი წარმომადგენლების მიერ. აღნიშნულ ინფორმაციას წარმოადგენს მხოლოდ შუამავალი კომპანია)

3. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ა-ბ ქვეპუნქტებში განსაზღვრულ მოთხოვნებზე.

ა) ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანხმობის დოკუმენტაცია. ანგარიშსწორება მოხდება ფაქტიურად გაწეული მომსახურების მიხედვით მიღება-ჩაბარების აქტის ხელმოწერიდან 15 (თხუთმეტი) სამუშაო დღის განმავლობაში, წინასწარი ანგარიშსწორება არ გამოიყენება;

ბ) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

გ) მომსახურება გაწეული იქნება ტექნიკურ დავალებაში მოცემული პირობების სრული დაცვით.

ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 160 კალენდარული დღით ტენდერისათვის „წინადადებების მიღება დაწყებული“ სტატუსის მინიჭების ეტაპიდან.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთვამდე.

სატენდერო საფასურის ოდენობა შეადგენს 50 ლარს.

ტენდერში გამოყენებული არ იქნება ხელშეკრულების შესრულების უზრუნველყოფის საბანკო გარანტია.

პრეტენდენტს არა აქვს უფლება წარმოადგინოს ალტერნატიული წინადადება.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართ N1-ში. დანართი N1-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: **ივანე კვიტაიშვილი:** ტელ: (+995 32) 577 23 77 47), ელ-ფოსტა: ykvitaishvili@tpdc.ge, მისამართი: გმირ კურსანტა ქ. №1, VIII სართული

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქტაჟი შესაძლებელი ასევე იხილოთ: <http://procurement.gov.ge>

ხელშეკრულება № _____ სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

2013 წლის ____ სექტემბერი

ქ. თბილისი

ერთი მხრივ, სსიპ – მასწავლებელთა პროფესიული განვითარების ეროვნული ცენტრი (მისამართი: ქ. თბილისი, გმირ კურსანტთა ქ. N1) წარმოდგენილი ცენტრის დირექტორის **გია მამულაშვილის** სახით (შემდგომში წოდებული „შემსყიდველად“) და მეორე მხრივ _____ (მისამართი: _____) მისი დირექტორის _____ სახით (შემდგომში წოდებული „მიმწოდებელად“), სსიპ – მასწავლებელთა პროფესიული განვითარების ეროვნული ცენტრის მიერ „ქართულიენა მომავალი წარმატებისთვის“ პროგრამის ფარგლებში საკონფერენციო და სასტუმრო მომსახურების შესყიდვის მიზნით ჩატარებული ელექტრონული ტენდერის გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.

1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთობება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. საკონფერენციო და სასტუმრო მომსახურება, რომლის ტექნიკური პირობები მოცემულია ტექნიკურ დავალებაში, რომელიც დაერთობება წინამდებარე ხელშეკრულებას, როგორც მისი განუყოფელი ნაწილი.

3. ხელშეკრულების მოქმედების ვადები

3.1. ხელშეკრულება ძალაში შედის ხელმოწერის მომენტიდან და მოქმედებს 2013 წლის 15 ოქტომბრის ჩათვლით.

4. ხელშეკრულების ჯამური ღირებულება

4.1 ხელშეკრულების ჯამური ღირებულება შეადგენს: _____ ლარს.

4.2 ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების გაწევის წესი და ადგილი

5.1. ხელშეკრულებით გათვალისწინებული ვალდებულებების შესრულების ადგილია _____

5.2. მომსახურების გაწევა ხდება ერთიანად ამ ხელშეკრულების დადგენილი წესის მიხედვით.

6. მხარეთა ვალდებულებები

6.1. მიმწოდებელი ვალდებულია გაუწიოს შემსყიდველს ამ ხელშეკრულების 2.1. პუნქტში მითითებული უნაკლო მომსახურება.

6.2. თუკი ხელშეკრულების 2.1 პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.

6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით

6.4. შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;

6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

7.2. ანგარიშსწორება განხორციელდება შემდეგნაირად: _____

8. ხელშეკრულების ინსპექტირება

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. შესყიდვის საგნის მიღება-ჩაბარების წესი

9.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილი პირი განსაზღვრული იქნება ხელშეკრულების გაფორმების მომენტისათვის

9.2 მიღება-ჩაბარების აქტის გაფორმების საფუძველს წარმოადგენს მიმწოდებლის მიერ წარმოდგენილი ანგარიშები.

9.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

10. ხელშეკრულების შეწყვეტა

10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწყვეტილი ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

11.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით

11.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრუ-

ლება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი რჩება შემსყიდველს, ერთი – შემსრულებელს).

მხარეთა რეკვიზიტები:

შემსყიდველი:

მიმწოდებელი:

აფიდავითი**სატენდერო წინადადების დამოუკიდებლად განსაზღვრის თაობაზე**

გამოცხადებულ ტენდერში პონაწილეობის მიღებას მიზნით, ვადასტურებ, რომ ჩემს მიერ წარმოდგენილი სატენდერო წინადადება შეუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაციის არის ყალბი ან/და ცრუ;

* უფლებამოსილი ვარ პრეტენდენტის მიერ, სული მოვალეობა ამ აფიდავითს და წარვადგინო ეს სატენდერო წინადადება;

* ნებისმიერ პირი, რომელია ხელმოწერა დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მაზნით პრეტენდენტსა და კონკურენტს შორის არ წარმოებულა კონსულტაცია, კორუფცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო ხაზადადების გახზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პარამეტრები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინააღი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადება განსაჯარობის პომენტამდე.

გავცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციასა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა აწვევს სისხლის-ამართლებრივ პასუხისმგებლობას საქართველოს სისხლის სამართლას კოდექსის 195¹ მუხლის შესაბამისად.

გასაწევი მომსახურების ხარჯთაღრიცხვა

№	გასაწევი მომსახურების დასახელება	რაოდენობა	დღეების რაოდენობა	ერთეულის ფასი (ლარი)	საერთო ფასი (ლარი)
1	სასტუმროს ნომრით მომსახურება, 2013 წლის 17-21 სექტემბერი, სულ 4 ღამე (სატენდერო დოკუმენტაციის შესაბამისად)				
1.1	ღამისთევა ოთხადგილიან ნომერში	124 კაცი	4		
1.2	ღამისთევა ინდივიდუალურ ნომერში	11 კაცი	4		
2	საკონფერენციო დარბაზით მომსახურება, 2013 წლის 17, 18, 21 სექტემბერი, სულ 3 დღე (სატენდერო დოკუმენტაციის შესაბამისად)				
2.1	საკონფერენციო დარბაზით მომსახურება (მინიმუმ 135 კაცზე)	1	3		
3	სამუშაო ოთახებით მომსახურება, 2013 წლის 19, 20 სექტემბერი, სულ 2 დღე (სატენდერო დოკუმენტაციის შესაბამისად)				
3.1	სამუშაო ოთახებით მომსახურება (მინიმუმ 25 კაცზე)	5	2		
4	კვებითი მომსახურება, 2013 წლის 17-21 სექტემბერი (სატენდერო დოკუმენტაციის შესაბამისად)				
4.1	საუზმე:	135 კაცი	4		
4.2	სადილი:	135 კაცი	5		
4.3	ვახშამი:	135 კაცი	4		
5	ტრენინგის მონაწილეთა ტრანსპორტირება სსიპ – მასწავლებელთა პროფესიული განვითარების ეროვნული ცენტრიდან სასტუმრომდე და უკან (სატენდერო დოკუმენტაციის შესაბამისად)				
5.1	ტრენინგის მონაწილეთა (45 კაცი) ტრანსპორტირება სსიპ – მასწავლებელთა პროფესიული განვითარების ეროვნული ცენტრიდან სასტუმრომდე და უკან.				
სულ მომსახურების ღირებულება:					

შენიშვნა: კვებითი მომსახურება უნდა განხორციელდეს შემდეგნაირად:

- 2013 წლის 17 სექტემბერი – ორჯერადი კვება (სადილი, ვახშამი)
- 2013 წლის 18 სექტემბერი – სამჯერადი კვება (საუზმე, სადილი, ვახშამი);
- 2013 წლის 19 სექტემბერი – სამჯერადი კვება (საუზმე, სადილი, ვახშამი);
- 2013 წლის 20 სექტემბერი – სამჯერადი კვება (საუზმე, სადილი, ვახშამი);
- 2013 წლის 21 სექტემბერი – ორჯერადი კვება (საუზმე, სადილი).

შენიშვნა: თარიღებმა შესაძლოა განიცადოს ცვლილება, რის თაობაზეც მომწოდებელს ეცნობება დამატებით

პრეტენდენტის ხელმოწერა _____